

Absolutionis Forma Communius Observanda ab Fratribus Sacri Ordinis Fratrum Prædicatorum

Si tenéris áliquo vínculo excommunicatiónis, (suspensiónis), et interdícti, a quo possim te absólvere; ego absólvo te, et restítuo te sanctis sacraméntis Ecclésiæ, communióni et unitáti fidélium. In nómine Patris ✠, et Fílii, et Spíritus Sancti. Amen.

Misereátur tui omnípotens Deus, et dimíttat tibi ómnia peccáta tua, líberet te ab omni malo, salvet, et confírmet in omni ópere bono, et perdúcat te ad vitam ætérnam. Amen.

Dóminus noster Iesus Christus, Fílius Dei vivi, per suam piíssimam misericórdiam te absólvat: et auctoritáte ipsíus, qua fungor, ego absólvo te ab ómnibus peccátis tuis, ut sis absolútus hic, et ante tribúnal eiúsdem Dómini nostri Iesu Christi, habeásque vitam ætérnam, et vivas in sæcula sæculórum. In nómine Patris ✠, et Fílii ✠, et Spíritus ✠, Sancti. Amen.

Pássio Dómini nostri Iesu Christi, et mérita beátæ Mariæ semper Vírginis, et beáti Domínici Patris nostri et ómnium Sanctórum, et quidquid boni féceris et inténdis fácere, aut mala quæ sústines et sustinébis, sint tibi in remissiónem peccatórum, in augméntum grátiae et præmium vitæ ætérnæ. In nómine Patris ✠, et Fílii, et Spíritus Sancti. Amen.